

Møteprotokoll for Eldreråd

Møtedato: 29.11.2021

Møtestad: Alver rådhus, kantina

Møtetid: 12:00 - 15:35

Kl. 12.00: Felles orienteringsmøte for ER/RMF i Nordhordlandshallen - kantina.
Deretter gjekk ER til kantina på rådhuset for handsaming av vedtakssaker.

Frammøtte medlemmer	Parti	Rolle
Kirsti Gjetle Floen	AP	Medlem
Mabel Johansen	H	Medlem
Torhild Skage Syslak		Medlem
Jostein Dale		Nestleiar
Reidun Taule		Medlem
Sigurd Knudsen		Medlem

Forfall meldt frå medlem:	Parti	Rolle
Olav Magnus Steinsland		Utvalsleiar
Einar Lygre		Medlem
Randi Iden		Medlem

Frammøtte varamedlemmer:	Parti	Erstatter medlem
Magne Rifsgård		Olav Magnus Steinsland
Helge Arne Kolås		Randi Iden

Følgjande frå administrasjonen møtte:

Janne Sund-kommunalsjef økonomi, Ole Martin Bolset-rådgjevar plan og byggesak, Helge Kvam-fagleiar helse og omsorg adm, Arthur Kleiveland-møtesekretær

Det møtte 8 av 9 medlemmar/varamedlemmar i eldrerådet
I rådsleiar Olav M. Steinsland sitt fråver, var Jostein Dale møteleiar.

Sakliste

Saknr	Tittel
047/21	Godkjenning av innkalling og saksliste
048/21	Godkjenning av møteprotokoll
049/21	Offentleg ettersyn og høyring - Detaljreguleringsplan for Ytre Eidsnes gbnr. 215/2 mfl. PlanID 46312020004
050/21	Økonomiplan 2022 - 2025
051/21	Meldingar og orienteringar 29.11.2021

047/21: Godkjenning av innkalling og saksliste

Innkalling og saksliste vert godkjent.

Eldreråd 29.11.2021:

Behandling:

Eldrerådet godkjende innkalling og saksliste.

ER- 047/21 Vedtak:

Innkalling og saksliste vert godkjent.

048/21: Godkjenning av møteprotokoll

Møteprotokollen vert godkjent.

Eldreråd 29.11.2021:

Behandling:

Eldrerådet godkjende møteprotokoll for 8.nov. 2021.

ER- 048/21 Vedtak:

Møteprotokollen vert godkjent.

049/21: Offentleg ettersyn og høyring - Detaljreguleringsplan for Ytre Eidsnes gbnr. 215/2 mfl. PlanID 46312020004

Rådmannen sitt framlegg til vedtak:

Råd for menneske med nedsett funksjonsevne 29.11.2021:

Behandling:

Framlegg:

Rådet vil peika på at universelt tilgjenge bør vera krav som gjeld alle nye bustadar i Alver. Dei som flyttar inn bør kunna bu der heile livet. Rådet kjem tilbake til dette i samband med handsaminga av kommuneplanen. I planleggjringa av rådsmøta i 2022 følgjer leiar og nestleiar opp orienteringa om byggjesaker som vart gjeven i sak 35/21 pkt.6.

Framlegget vart samråystes vedteke.

RMNF- 051/21 Vedtak:

Rådet vil peika på at universelt tilgjenge bør vera krav som gjeld alle nye bustadar i Alver. Dei som flyttar inn bør kunna bu der heile livet. Rådet kjem tilbake til dette i samband med handsaminga av kommuneplanen. I planleggjringa av rådsmøta i 2022 følgjer leiar og nestleiar opp orienteringa om byggjesaker som vart gjeven i sak 35/21 pkt.6.

Eldreråd 29.11.2021:

Behandling:

Det vart sett fram følgjande felles uttale i saka:

Eldrerådet er positiv til at 50 prosent av bustadane skal ha universell tilkomst, men vil peika på at det er sterkt ønskjeleg at fleire av bustadane blir universelt tilgjengelege.

Eldrerådet vil gje uttrykk for at det er positivt med bustadbygging i distrikta.

Felles framlegg i møtet vart samråystes vedteke.

ER- 049/21 Vedtak:

Eldrerådet kjem med følgjande uttale i saka:

Eldrerådet er positiv til at 50 prosent av bustadane skal ha universell tilkomst, men vil peika på at det er sterkt ønskjeleg at fleire av bustadane blir universelt tilgjengelege.

Eldrerådet vil gje uttrykk for at det er positivt med bustadbygging i distrikta.

050/21: Økonomiplan 2022 - 2025

Rådmannen sitt framlegg til vedtak:

1. Investeringsbudsjettet for 2022 og for økonomiplanperioden 2022-2025 blir vedteke jfr. Bevillingsoversikt Investering etter § 5-5. Budsjettet er basert på forventa framdrift på tidlegare vedtekne prosjekt, i tillegg til nokre nye mindre prosjekt. Sum investeringsutgifter i 2022 vert budsjettert med 272 463 000 kr. Bruk av lånemidlar vert budsjettert med 215 788 000, og av dette er kr 170 000 000 opptak av nye lån og resten vert finansiert med ubrukte lånemidlar. Øvrig finansiering framgår av bevillingsoversikta.
2. Økonomiplan for 2022-2025 og årsbudsjett for 2022 blir vedteke, jfr. Bevillingsoversikt drift §5-4 og økonomisk oversikt drift §5-6. Årsbudsjettet for 2022 blir vedteke med sum netto driftsrammer for dei sju sektorane, jf. eigen tabell.
3. Rådmannen får fullmakt til å fordele sentralt avsett lønsauke til sektorane når årets lønsforhandlingar er gjennomført.
4. For skatteåret 2022 skriv Alver kommune ut eigedomsskatt etter eigedomsskattelova §§ 2 og 3 første ledd bokstav c, «berre på kraftverk, vindkraftverk, kraftnettet og anlegg omfatta av særskattereglane for petroleum», slik bestemmelsen lyder frå 1. januar 2019. Skattesatsen er 7 promille, jf. eigedomsskattelova §§ 10 og 11. Alver kommune vil i 2022 skrive ut eigedomsskatt på «et særskilt fastsett grunnlag» i samsvar med overgangsregelen til eigedomsskattelova §§ 3 og 4, første ledd, slik at verdien av produksjonsutstyr og – installasjonar fasast ut med 1/7 for verk og bruk som frå og med 2019 er å sjå på som næringseigedom. Det særskilte grunnlaget skal i 2022 vere lik 3/7 av differansen mellom eigedomsskattegrunnlaget i 2018 og 2019 som er forårsaka av at produksjonsutstyr- og installasjonar ikkje skal reknast med i grunnlaget. Alver kommune vil i 2022 skrive ut eigedomsskatt på bygningar og grunnareal for anlegg nevnt i punktet over i samsvar med overgangsregelen til eigedomsskattelova §§ 3 og 4, andre ledd. Eigedomsskatten skal betalast i tre terminar, jf. Eigedomsskattelova § 25.
5. Det vert gjeve ei ramme på 1 809 000 kr til kontrollutvalet.

6. Det vert gjeve eit driftstilskot til Alver kyrkjelege fellesråd på 25 959 000 inkl. dekking renter og avdrag på lånet for kyrkja i Knarvik.
7. Skatteøre vert sett lik maksimal sats i samsvar med Stortinget sitt vedtak om kommunalt skatteøre.
8. Godtgjersle til ordførar var per 01.01.2021 987 997 kr og til varaordførar 592 798 kr. Løna skal regulerast per mai 2021 og 2022 i samsvar med endringar i løn til stortingsrepresentantar. Løna for 2021 er ikkje regulert ved utarbeidning av budsjett for 2022.

Råd for menneske med nedsett funksjonsevne 29.11.2021:

Behandling:

Framlegg:

Generelt er rådet bekymra for kommunen sitt manglende handlingsrom, og for at dette kan føra til at kommunen ikkje greier å yta gode nok tenester slik at alle innbyggjarar kan leva fullverdige liv. Vi vil særleg peika på to forhold.

- Sjølv om talet på barnehageborn og grunnskuleelevar går ned, er vi redde for at dei føreslegne nedskjeringane på oppvekstsektoren skaper mindre vaksentettleik, og at dette i særleg grad vil råka dei som treng spesialundervisning og anna særleg oppfølgning.
 - Vidare trur vi redusert opningstid i rus- og psykiatritenesta vil få langsiktige, negative følgjer.
- Framlegget vart samrøystes vedteke.

RMNF- 052/21 Vedtak:

Generelt er rådet bekymra for kommunen sitt manglende handlingsrom, og for at dette kan føra til at kommunen ikkje greier å yta gode nok tenester slik at alle innbyggjarar kan leva fullverdige liv. Vi vil særleg peika på to forhold.

- Sjølv om talet på barnehageborn og grunnskuleelevar går ned, er vi redde for at dei føreslegne nedskjeringane på oppvekstsektoren skaper mindre vaksentettleik, og at dette i særleg grad vil råka dei som treng spesialundervisning og anna særleg oppfølgning.
- Vidare trur vi redusert opningstid i rus- og psykiatritenesta vil få langsiktige, negative følgjer.

Eldreråd 29.11.2021:

Behandling:

Det vart sett fram følgjande felles framlegg til uttale:

Eldrerådet ser med stort alvor på den økonomiske situasjonen i Alver kommune, og vil uttrykkja sterk uro over forslag om omfattande nedskjeringar. Slike nedskjeringar vil gå ut over tenestetilbodet og livskvaliteten til svært mange, ikkje minst innan eldreomsorga.

Eldrekulla i Alver vil stiga både i og etter økonomiplan-perioden. Rådet etterlyser ein strategi for å dekka opp tenestetilbodet og hjelpebehovet knytt til den forventa auken av eldre pleietrengande. Rådet er kritisk til at det vert lagt opp til å redusera pleiefaktoren/bemanningsa på institusjonane våre. Rådet meiner lågare pleiefaktor kan få negative konsekvensar også i form av høgare sjukefråver og meir bruk av eksterne vikarar/bemannningsbyrå.

Eldrerådet har fått presentert situasjonen for sjukeheimspllassar, og konstaterer at kapasiteten allereie er belasta 100 prosent. Rådet ser eit klart behov for at kommunen alt no for alvor kjem i gang med planlegging av lokalisering av fleire institusjonspllassar.

Med den forventa auken i eldregenerasjonen framover, etterlyser rådet også ein strategi for å dekka eit auka behov for tilbod til eldre heimebuande. Mange ønskjer å bu lengst mogleg heime og dermed treng

hjelpetenester i heimen.

Eldrerådet forstår behovet for restrukturering av Alver-organisasjonen og at dette må skje parallelt med det pågående 4-årige prosjektet "Leiing, kvalitetsforbetring og ressurseffektiv drift". Men rådet advarar sterkt i mot at ikkje økonomien må leggja premissa for dette arbeidet.

Eldrerådet peikar på at Intensjonsavtalen for den nye kommunen tydeleg seier at tenestene skal ta utgangspunkt i beste praksis frå dei tre kommunane. Rådet vil også peika på at tidleg innsats er svært viktig i det førebyggande arbeidet.

Eldrerådet vil framheva kor viktig det er med eit godt tverrfagleg samarbeid for å gje eit best mogleg tilbod til tenestebrukarane. Rådet vil også framheva den frivillige innsatsen som vert lagt ned på mange område, og ser behovet for at kommunen – gjerne i samarbeid med råd og lag og organisasjonar, utarbeider ein "frivilligstrategi" som set fokus på dette arbeidet.

Eldrerådet vil framheva det omfattande og viktige tilbodet som Frivilligsentralen gir, i form av positive aktivitetar og førebyggande arbeid. Eldrerådet er difor svært opptatt av at Frivilligsentralen vert oppretthalde som i dag.

Alver eldreråd ynskjer å etablera ein pensjonistpris, «årets pensjonist». Dette vil vera ein stimulans til alt frivillig arbeid for dei eldre og hjelptrengande i kommunen.

I tillegg vil rådet søkja om midlar som kan brukast til å støtta det viktige arbeidet som frivillige, organisasjonar og lag driv i kommunen. Dette kan vera med å minka vantrivnad og einsemd, som det er mykje av i samfunnet no. Dette må difor også sjåast på som eit helsefremjande tiltak. Eldrerådet vil føreslå eit årleg beløp på 50 000 kroner.

Eldrerådet vedtok samråystes felles framlegg til uttale.

ER- 050/21 Vedtak:

Eldrerådet i Alver kjem med følgjande uttale i sak om Økonomiplan for 2022-2025:

Eldrerådet ser med stort alvor på den økonomiske situasjonen i Alver kommune, og vil uttrykkja sterkt uro over forslag om omfattande nedskjeringar. Slike nedskjeringar vil gå ut over tenestetilbodet og livskvaliteten til svært mange, ikkje minst innan eldreomsorga.

Eldrekulla i Alver vil stiga både i og etter økonomiplan-perioden. Rådet etterlyser ein strategi for å dekka opp tenestetilbodet og hjelpebehovet knytt til den forventa auken av eldre pleietrengande. Rådet er kritisk til at det vert lagt opp til å redusera pleiefaktoren/bemanningsa på institusjonane våre. Rådet meiner lågare pleiefaktor kan få negative konsekvensar også i form av høgare sjukefråver og meir bruk av eksterne vikarar/bemanningsbyrå.

Eldrerådet har fått presentert situasjonen for sjukeheimspllassar, og konstaterer at kapasiteten allereie er belasta 100 prosent. Rådet ser eit klart behov for at kommunen alt no for alvor kjem i gang med planlegging av lokalisering av fleire institusjonspllassar.

Med den forventa auken i eldregenerasjonen framover, etterlyser rådet også ein strategi for å dekka eit auka behov for tilbod til eldre heimebuande. Mange ønskjer å bu lengst mogleg heime og dermed treng hjelpetenester i heimen.

Eldrerådet forstår behovet for restrukturering av Alver-organisasjonen og at dette må skje parallelt med det pågående 4-årige prosjektet "Leiing, kvalitetsforbetring og ressurseffektiv drift". Men rådet advarar sterkt i mot at ikkje økonomien må leggja premissa for dette arbeidet.

Eldrerådet peikar på at Intensjonsavtalen for den nye kommunen tydeleg seier at tenestene skal ta utgangspunkt i beste praksis frå dei tre kommunane. Rådet vil også peika på at tidleg innsats er svært viktig i det førebyggande arbeidet.

Eldrerådet vil framheva kor viktig det er med eit godt tverrfagleg samarbeid for å gje eit best mogleg tilbod til tenestebrukarane. Rådet vil også framheva den frivillige innsatsen som vert lagt ned på mange område, og ser behovet for at kommunen – gjerne i samarbeid med råd og lag og organisasjonar, utarbeider ein "frivilligstrategi" som set fokus på dette arbeidet.

Eldrerådet vil framheva det omfattande og viktige tilbodet som Frivilligsentralen gir, i form av positive aktivitetar og førebyggande arbeid. Eldrerådet er difor svært opptatt av at Frivilligsentralen vert oppretthalde som i dag.

Alver eldreråd ynskjer å etablera ein pensjonistpris, «årets pensjonist». Dette vil vera ein stimulans til alt frivillig arbeid for dei eldre og hjelpetrengande i kommunen.

I tillegg vil rådet søkja om midlar som kan brukast til å støtta det viktige arbeidet som frivillige, organisasjonar og lag driv i kommunen. Dette kan vera med å minka vantrivnad og einsemd, som det er mykje av i samfunnet no. Dette må difor også sjåast på som eit helsefremjande tiltak. Eldrerådet vil føreslå eit årleg beløp på 50 000 kroner.

Ungdomsråd 29.11.2021:

Behandling:

Orientering i saka v/Janne Sund, økonomisjef

UR- 055/21 Vedtak:

Felles framlegg:

Vi i Alver Ungdomsråd ynskjer, som påpeika tidlegare, å få anledning til og påverka økonomiplanen allereie når den først kjem til behandling om våren (tidleg i økonomiplan-prosessen).

Alver ungdomsråd er ikkje nøgd med at sektor Oppvekst må kutta 15 årsverk i skulen i perioden.

Vi er nødg med at innsparingstiltak "To årsverk forebyggende arbeid stab Oppvekst og Kultur" frå 2021 er tatt ut. Samstundes ynskjer vi ein større satsning her, slik at alle ungdomsskulane i kommune kunne hatt miljøterapeutar til å arbeida førebyggjande. I dag opplev vi at det ikkje er likskap i tilbodet på ungdomsskulane, då nogen har tilbod om miljøterapeut og andre ikkje.

Vi saknar tall som synar kor mykje midlar kommunen har til innkjøp av oppdaterte lærebøker, då ein i dag opplev at mange lærarar må nyttja kopiering.

Vi ynskjer òg at kommunen aukar tal dagar helsesjukepleiar er tilstades på ungdomsskulane og Knarvik vgs.

Om Ungdomsrådet vert kopla på prosessen med økonomiplan på et tidlegare tidspunkt, er vi sikre på at behova frå ungdomen i kommunen hadde vore syna betre i framlegget frå Rådmannen.

Vi vonar at kommunestyret tek omsyn til råda frå Alver ungdomsråd

051/21: Meldingar og orienteringar 29.11.2021

Rådmannen sitt framlegg til vedtak:

Meldingar vert tekne til orientering.

Eldreråd 29.11.2021:

Behandling:

- Sigurd Knudsen refererte frå møte i Meland helselag sin regi på Frekhaug, der representantar for Sparebanken Vest informerte om kva tilbod dei kan gje for å kompensera noko av konsekvensane ved nedlegging av minibanken på Frekhaug. Mellom anna om korleis kundar kan få oversikt over saldoen sin. Banken er open for

å arrangera kurs, om det er interesse for det.

- Sigurd Knudsen orienterte kort om møte i referansegruppa i "Prosjektet leiing, kvalitetsforbetring og ressurseffektiv drift.

- Mabel Johansen orienterte om eit initiativ som ho og eldrerådsleiar Olav M. Steinsland jobbar med, inspirert av eit webinar om "transport for eldre", i regi av Statsforvaltaren. På webinaret heldt Meråker kommune innlegg om deira nyestablerte servicekontor for eldre. Initiativet handlar i første omgang om å laga ei oversikt over regelmessige tiltak og arrangement i regi av frivillige lag og organisasjonar i heile Alver kommune. Eldrerådet synest dette er eit bra initiativ og vil gjerne delta i dette arbeidet. Ikkje minst fordi det blir fleire heimebuande eldre i åra framover, ser eldrerådet det som viktig å få ei oversikt over kva tilbod som frivillige lag og organisjonar tilbyr. Nina Randal i Frivilligsentralen i Alver har gitt verdifulle innspel i dette arbeidet.

Eldrerådet og RMNF hadde felles orientering i kantina i Nordhordlandshallen før råda gjekk kvar til sitt:
Ole Martin Bolset-rådgjevar planforvaltning orienterte i sak i 049/21.
Janne Sund-kommunalsjef økonomi orienterte i sak 050/21 (økonomiplan)

Eldrerådet tok meldingar til orientering, med tillegg som kom fram i møtet.

ER- 051/21 Vedtak:

Meldingar vert tekne til orientering.